



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Consuetudo.

urn:nbn:de:hbz:466:1-10421

Ave Maria, & Pater noster, miscendo aliqua superstitiosa, puniri possunt ab Ordinariis, Gril. lib. 2. c. 6. nu. 18. Cajet. in sum. in ver. Incantatio, in ult. canon. non observetis. 26. q. 7. canon. illud, 26. q. 2. Symanc. tit. 63. n. 19. 24. & 33. Penga Com. 67. in 2. par. Direct. super q. 42. littera C.

Sortilegi, & malefici, licet non sint sub jurisdictione Inquisitorum, tamen subsunt jurisdictioni ordinariorum, Castro loc. cit. capit. 13. & 15. & Abb. in cap. 1. num. 4. de sortileg.

Suspecti de heresi quinam dicantur, vide Penga Com. 24. super 3. par. direct. Inquisit. & Symanc. tit. 50. num. 24. & 30. ut afficientes contumeliosos, vel eos verberantes, male sentientes de caeremoniis ecclesiasticis, & ritibus, contemnentes censuras ecclesiasticas, perjury, incestuosi cum consanguineis, & affinis, commatibus, monialibus, & aliis. Hoc debet intelligi, vel cum aliis adminiculis, vel de levi suspitione, & imponitur his abjuratio. Symanc. tit. 10. & tit. 1. num. 21. Penga Com. 4. in 3. par. Direct. & Com. 24. & Com. 49. super q. 34. in 2. par. direct. & Comm. 67. ibidem, & Castro libro 1. gloss. in §. sanè, & omnis præcisus ab Ecclesia, capit. 24. quest. 1.

Sacramentis, vel sacramentalibus abutentes. Gril. lib. 2. c. 3. n. 16. Symanc. & Penga loc. cit.

Superstitiosi sortilegi omnes possunt puniri ab Inquisitoribus, vel locorum Ordinariis, Symanc. & Castro loc. cit.

Strigæ, seu Lamie subsunt Inquisitoribus & locorum Ordinariis, Sylvest. in toto opere de Strig. & in sum. in ver. hæ-

resis 3. & Barthol. Spin. in apolog. 1. de hac materia, Gril. Castro lib. 1. c. 16. per totum. Adrian. VI. Bulla 5. qua incipit, Dudum.

Thesaurum quærentes artibus magicis, & sceleratis, Inemo, C. de malef. & mathem. Iser. de usu feud. Rebuff. quæ sunt regalia, num. 90.

Uras negantes esse peccatum, Castro lib. 24. c. ult.

Utentes Eucharistia tam in corpore quam in sanguine Domini nostri, fumigationibus ipsum dæmonem colentes, rebaptizantes pueros maleficiis, ubi interveniunt hæretici, vel opus aliquot dæmonum procurantes scientiam ad sciendum secreta cordis, & ad sciendum futura, quæ naturali via sciri nequeunt, consulentes dæmones, & alia hujusmodi facientes, d. gl. in §. sanè, Locat. in ver. Divinatio, num. 4. Gril. 2. fol. 52. colum. 3. Castro lib. 1. c. 15.

Multos alios casus, quibus Judex ecclesiasticus possit procedere contra laicos, vide apud Innoc. in cap. licet de foro competen. quamvis multi ex his recesserint ab aula, per contrariam consuetudinem. Thalmudistæ omnes, ita Index loc. cit. testamentum vetus, vel novum legentes, vel tenentes lingua vernacula, sive vulgari, nec possunt Episcopi, & Inquisitores hanc dare licentiam; ita Index loc. cit. observatione circa quartam regulam.

CONSUE TUDO.

PRImò, introducitur tempore, quod non habet memoriam in contrarium, Secundo,

Secundò, spatio triginta annorum. Tertio, spatio decem annorum. Quarto, quando bis iudicatum fuerit super illa, *Novel. de iure proim. §. 6. & 9. à num. 4. & infra. gl. in c. cum in tua, in ver. consuetudo, da consuetut. lib. 6. Covar. lib. 1. cap. 17. n. 8. art. 4. & 10. ver. resol.* quod nota pro his, quæ dixi in *ver. Legatum, §. 8.* Quintò, contra Capitulum, Ecclesiam, & universitatem, non introducitur consuetudo minus, quàm spatio quadraginta annorum, *Gram. decis. 5. 37. vide Iler, in usu feud. rubr. de his qui feud. dare possunt. §. 5.* Secundò, ad hoc, ut consuetudo inducat vinculum, & valeat. spatio decem annorum, requiritur, ut sit rationalis, & non contra jus, *Gloss. in c. ut litigantes, in ver. statuimus, de offi. Ordin. lib. 6. Gemin. in c. cum in tua, de consue. lib. 6. ver. 2. nota ex Gloss. sed sufficit, ut sit præter jus, Gloss. loc. cit.*

CANDELA BENEDICTA.

SUMMARIUM.

1. *Candela benedicta, quæ datur fidelibus in die purificationis beate Virginis primò est videndum, quid significet.*
2. *An possit præscribi, ut de obligatione presbyteri teneantur illam dare.*
3. *An debeat deferri domum, si quis nollet ire ad Ecclesiam, ad illam accipiendã.*

AD primò, Conc. provinc. Benevent. dicit quòd significat synceritatem beate Virginis, quæ lucem edidit, quæ illuminat omnem hominem venientem in hunc mundum *70. c. 1. c. 3. &*

c. 8. Luc. cap. 2. ubi Christus Dominus noster vocatur Lux, & Lumen

Ad secundum. Negativè respondet *Sylvest. in ver. decima, n. 7. versi. quintum,* quicquid dicant alii Simon. quos ipse citat pro parte contraria, & *Fel. in cap. ad Apostolicam. de simon. Sylvest. affert rationes validas, quòd non potest præscribi: faciunt quæ dicuntur inferius. in vers. præscriptio, §. 3.*

Ad tertium. Idem Conc. Benevent. prohibet, ne deferatur domum, sed tradatur solùm his, qui in Ecclesia intererunt, & eam accipiant ibi, & in processione deferant, idem Conc. prout *Mediolan. 3. ca. de Sacramen. & duo Concilia provincialia Compzana, nisi primò Ecclesiarum patronis, per c. præterea, de iure patr. Secundo ægrotis, argum. c. unico, de cler. non resid. libro 6. Tertio, iis qui legitimo urgente impedimento abfuerint, si alias eodem die in Ecclesia pro ea re adesse consueverint, ita Concil. Mediol. loc. cit.*

CORPORA SANCTORUM.

Primò, Corpora Sanctorum non possunt transferri de loco ad locum sine licentia Episcopi, ita Conc. Mogunt. *Can. 51. vide Sylv. in ver. reliquia, per totum.*

Secundò, reliquiæ de novo inventæ non sunt venerandæ in publico sine licentia Sedis Apostolicæ, & quomodo hoc intelligatur, vide *Panorm. in cap. fin. de reliq. & vener. Sanct. & an transferendæ de loco in locum, vide præter Doctor. Navar. consi. 9. de sepulturis.*

Tertio, reliquias Sanctorum in oratorio

P

torio